



21268

III

Mag. St. Dr.

P

*terina**Pichonius Seb*

*Cracov. gen. stud. Univ. Exequiae solennes pios
manibus D. S. R. J. Principis Catharinae
Radiviliae —*

PANEG. et VITAE

Polon. Fol.

N^o 1115.



EXEQVIÆ
SOLENNES,
PIIS MANIBVS,

D. Dominus

S. R. I. PRINCIPIS,
CATHARINÆ
RADIVILLIÆ,
IN NIESWIEZ & OLYKA
DVCS, &c. &c.

DEBITÆ PIETATIS AFFECTU,

A

Generali Studio Almæ Vni-
versitatis Cracoviensis,
In Ecclesia Collegiata S. ANNÆ,
PERSOLVTÆ.

Anno Domini M. DC. XCIV. Die x. Novembr.

CRACOVIAE, TYPIS VNIVERSITATIS.

Laudetur Proavis, seu pulchræ mūnere formæ,
Quæ morum caruere bonis: falsóq; potentes,
Laudis egēt veræ. Tibi quæquā & origo niteret,
Et felix species, multumq; optanda maritis,
Ex Te major honos.



Smolens.

21.268 III

ORATIO FUNEBRIS,

Ex Decreto Magnifici Domini
RECTORIS,
& Ordinum Academicorum Studij Gene-
ralis Almæ Vniuersitatis Cracoviensis,
DICTA.

H Vnestus rerum pulcherrimarum
exitus, non alias lamentabilis Orche-
stræ Scenam, & sævi monumenta do-
loris acerbius excitat in Orbe; quàm
vbi clarissimis mundi Sideribus venit
summa dies; & fatalis hora Serenissimos
Principalis prærogativæ splendores, feralibus um-
bris involvit. MAGNIFICE DNE RECTOR, MÆSTISSIMI
ORDINES ACADEMICI, cæteriç; , quos sincera pic-
tas in consortium hodierni doloris invitavit, Vestris
Titulis Dignissimi Auditores. Quanquam enim ad
omnes homines lege naturæ pertinet, in hoc latif-
simo continuæ vicissitudinis circo, instar Metheori
modicum in aëre fulgentis, & modò coronæ, modò
profundæ cuiusdam in cœlo voraginis speciem refe-
rentis; modò inanibus phasmatibus, modò veris fulmi-
nibus ima terrarum percellentis; nunc erraticis Ca-
storis Pollucisq; ignibus, nunc Cometis igne sangui-
neo prodigiale rubentibus, ad terrorem & lætitiā-

A

huma-

humani generis collucentis, erigi, lucere, & breviter
videri; nemini tamen propterea mortem iustis lachry-
mis esse decorandam, quæ ceu naturæ debitum & cul-
pæ supplicium, cum certo ordine cunctis veniat, o-
mnia æquat: præcipuæ claritudinis ingens injuria est.
Nam quosdam mortalium, proxima Divorum hono-
ribus potestas, heroicæ Stirpis celsitudo, Divinæ cu-
jusdam virtutis in opem salutem, & præsentem tute-
lam, tenuiorum ac imbecillium salutariter intenden-
tis; hocq; ipso immortalitatem promeritæ, excellen-
tia; adeo supra cæterorum sortem attollunt, vulgoq;
eximunt; ut credibilius esse censeam: postquam Ti-
tan sua sidera condidit, altis de montibus umbras non
cadere, occasuiq; suo diem superesse; quàm in talium
acerbo funere non dolere. Nempe beneficia quæ
tribuit Fortuna potior subjectis, quantò plus gaudij
præstant capientibus, tantò acrioribus postea curis a-
nimos lacerant exagitantve; simul ac crudelis inter-
ventu Proserpinæ, temporalis commercia vitæ dese-
runt illi, qui prodesse in commune, rebusq; aliorum
afflictis succurrere tam proprium habuerunt; quàm
Princeps Planeta lucis dieiq; sator, post anxia nocti-
um intervalla oriri & melius nitere. Minores cæle-
stium flammarum fulgores, sine sensu & solitudine
hominum erectos ad sidera vultus tollentium, inter-
dum errare, obscurariq; iterumq; lucere, extingui,
iterumq; accendi promiscuè possunt; at publicum
deficiētis Solis discrimen, Lunæq; labores, trepidus sem-
per & expectatione futurorum attonitus Orbis, inter
spem metumq; prospectat. Simile quid in terris ma-
gno mentium sollicitarum turbine agitur, quoties ho-
mines in excelso vitam laudatissimam mortalibusq;
faustam ac salutarem agentes; cogentibus fati, hu-
mana

mana præclaris facinoribus ornare, & supplices fido
Lare protegere desinunt. Soror Tonantis Sarmatici,
multorum rebus desiderijsq; Jovem conciliare effica-
citer, fulminaq; irati mitigare solita: Polonici cœli
salutare & beneficum sidus multos fecisse felices,
multorum casibus & fortunæ intercessisse, multis no-
va fata tribuisse abundè pollens, potensve: laudan-
darum actionum & omnium virtutum principalium ni-
tidissima Pharos ingentium decorum Heroïna, CA-
THARINA PRINCEPS RADIVILIA,
in æternam clausit sua lumina noctem! Quistalia au-
diens, temperet à lachrymis! His equidem omnino
paucioribus quàm sua dignitas exigit, condita esse
videretur; nisi ejus obitum Musas etiam luxisse po-
steri meminissent. Quarum mærore nihil sincerius &
perennius nihil, cum masculam Divinioris animi vim,
& nihil omnino femineum præter nomen gerant; ab
infirmo desiderio & muliebribus lamentis procul re-
motæ, ad contemplationem magnarum Virtutum
totæ vertuntur. Ergo rude vulgus, & plerumq; ad in-
ferias bonorum Principum convitia, in ipsos Superos
jaculari audens, inania morti tributa det lachrymas!
quibus cum nihil citius areseat, eruditorum sepijs ca-
lamisq; indignæ sunt: perpetua immortalis animi de-
cora, æternamq; virtutum formam perennibus litera-
rum monumentis consignare; ille demum conveni-
ens Musis dolor est. Hoc eruditæ pietatis extremum
in Principes obsequium (quod Victori olim Gentium
terrarumq; populo Illustrum Virorum fæminarumq;
laudes, inter Parentales lachrymas olim permiscenti
vfitatum; Musæ Latinæ castra Polona secutæ, in Orbem
Hyperboreum bene & feliciter invexerunt :) cuinam
hoc tempore dignius justiusq; impendere sollicitæ o-

M. D. d. d. d.
peræ pretium est, quàm illi PRINCIPI Heroinæ, quæ
immortalibus totius integerrimæ vitæ operibus, cœ-
lo & æternitati laboravit: cujus Regiæ Domus Au-
gustum Gentile decus, CLYPEUS non tantum fortium
Virorum armatura & tegmen adamantinum; etiam
Jagellonicæ Palladis hereditarium SCUTUM, hoc est
Avitum præsidium est. Utinam verò mihi hodie quem
publicum doloris Vestri indicem esse voluistis, pro lu-
gentibus verbis, aureos illos imbres cœlum sufficeret;
quos nascente Minerva, Rhodiis Jovem indulsisse fe-
runt; sanè pretiosam lachrymarum vicem, magnis o-
ptimæ Principis manibus redderet, fluens sicut ros &
concresecens sicut pluvia eloquium meum: liqueretq;
palam Orbi, qualis & quantæ virtutis laudatio institui-
tur. Quam si ab Avitis Cognatisq; splendoribus in-
cipio, toto cœlo obrui videor: ita in ejus gloriam,
omnia principalis dignitatis celsissima ornamenta con-
spirarunt. Paterni Materniq; vtriusq; Augusti & Sar-
matis faustissimi sanguinis Purpura, cum in Summis
semper Regni Poloniæ Magistratibus fulsisset; hodie
Regale Solium & Diadema in SERENISSIMO &
POTENTISSIMO JOANNE III. Poloniarum RE-
GE gloriosissimè exornat. Cujus rerum gestarum
magnitudinem intuentibus, credere licet: tantum Re-
gem rebus Polonis in margine fatorum nutantibus,
divinitus esse provisum; ut eas internis dissidijs distra-
ctas, & prope perditas salubriter componeret; ab ho-
stibus vndiq; laceffitas & attritas tueretur, reficeret &
conservaret: adedq; Christianæ felicitatis interest pro
diuturno ejus Imperio, & prosperâ valetudine, solen-
nia vota nuncupare; qui hæc tempestate Romanam
solus salvavit & restituit rem, Domini Exercituum
REX & IMPERATOR. Cuncta terrarum serenanti-
tis isti

is istius Phæbi carissima Soror, modò candida Phæ-
be, & Serenissimæ Domûs Regiæ lux maxima, &
iam magni luminis vmbra: maximæ Principis, Cinis
exiguus, sed augustus: ingentis animæ tristes exuviae,
sed triumphales, deflentur. Verumtamen acta illius
illustria lugere, intempestivæ sollicitudinis artificium
est; fausta potius recordatione, & temporalibus lau-
dibus colentur. Romana Junia magnorum titulis in-
signis Avorum, Catone Avunculo genita, Marci Bru-
ti Soror, Caij Cassij Vxor, maximo Scriptori lauda-
tur: quod funus ejus laudatione pro rostris, cæterisq;
funeris solennibus cohonestaretur; in pompa funebri,
antelata viginti Clarissimarum Familiarum imagines,
vetustæ nobilitatis insignia, sed præfulgebant Cassius
atq; Brutus, eo ipso, quòd effigies eorum non viseban-
tur. O si nunc tam felix ingenium, & Romani majestas
eloquij, Celsitudini defunctæ Principis contigisset! pro-
fectò, toto ordine fastorum, magnificentius exurgeret
oratio! Celsissimis Nominibus Ducum OSTROGIO-
RUM, & ZASŁAVIORUM, RADIVILIORUM, VISNIOVE-
CIORUM, ZOŁKIEVIORUM, LUBOMIERSCIORUM, ZA-
MOYSCIORUM, super alta Deorum culmina, & extru-
ctos spolijs hostilibus arcus, legi solitis, laus veranite-
ret! quam sibi cum his coniunctissimam, jure sangui-
nis vel tædarum fædere, mortua Princeps affirmat.
Hos inter celsioris dignitatis apices, maiore sereno &
genuinis Coniugalis fidei amorisq; imaginibus præni-
terent, Ducales Mitræ, & Imperatoriæ Prætextæ,
splendidissima pacis belliq; monimenta, insignium in
Rempublicam Polonam meritorum præclara specimi-
na ULADISLAI DOMINICI Ducis in Ostrog &
Zasław; & MICHAELIS CASIMIRI RADIVILLI,
S. R. I. PRINCIPIS, Ducis in Ołyka, & Nieswiesz, ex

B

quorum

quorum dulci & fortunato vitæ toriq; consortio, dignam tantis Heroibus Sobolem, Cellissimæ vtriusq; Familiæ maximum incrementum, Polonæ Lithuanæq; Gentis, grande decus & præsidium, reliquit. At verò, immensa hæc splendorum amplitudo, vt mei mediocritatem ingenij longe excedit; ita Defunctæ PRINCIPIS veras laudes non absolvit. Speciosa hæc tantum, & sæpe ex vano fulgentia evanidæ gloriæ Simulacra, brevia popularis auræ esse spiramenta; illa reputans: prosperam sui memoriam, & solidum decus in virtute æterni conscia Numinis, situm esse constituit: quæ sola homines cum Superis æquat; & postquam hos ab oculis mortalium natura amolita est, secunda fama super æthera vehit: cælo dignos, & sinceriore post hæc cultu in terris venerandos. Qui soli perpetuò manent vllis infracti casibus, Cardinalium virtutum adamantes, quàm omni lapide pretioso gemmisq; prævalentibus pulchrius, in Ducali ejus MITRA & animo Divinorum studiosissimo radiant; mortemq; ejus, ex natura omnibus æqualem, secernunt populo! tristes nœnias exhilarant, funebrem noctem serenant; præsto est, in laudanda eius gesta, cogitationem mittentibus. Divinum prudentiæ genium, sine cuius solerti moderamine, nulla vnquam suis quæsita est gloriarebus, in præsentia, præterita & futura, mille micantibus margaritis, quas Deorum oculos Dictator Cæsar appellavit, apprimè prospicientem; quis spectavit & non admiratus est? in regendo, è decoro publico privatoque, geminas Principes domos viduas, Ducalium splendorum facundas: in promovendo magnificentissimè, ad maiores fortunæ honores, illustria ingenia summis rebus gerendis idonea, & bono publico salutaria; in bene faciendo, non minùs liberaliter, quàm

scien.

scienter maiora plerumq; miseris & egentibus largien-
tis, quam à Dijs petuntur: vim æquè beneficam ac ma-
gnificam, in ædes Divorum de novo struendas, exer-
centis; vel in hoata eiusmodi opera, splendidissimo sum-
ptu structurisq; eximiis consumantis: in consiliorum
momentis felicissima, quibus, extra muliebri vitium
ambitionem, omnia regere, omnibus se curiosè inge-
rere, multa dicere affectantem; negotia virorum &
curas masculas viduata tædis, sueverat expedire. Ra-
rum fortitudinis in sexu fragili pretium, non tantum
prisce seculi fortium Heroinarum miracula æquans;
magnanimorum etiam Heroum æmulum, cælitus ei
cum sanguine Heroico fuisse concessum; tam decu-
manæ publicorum malorum procellæ, cruenti fortu-
næ ludi; quam lugenda Coniugum, flebiliora carissi-
morum magnæ spei pignorum funera evincunt. Vi-
delicet, non privata sortis fæmina, aut non vno nomi-
ne ad bona malaq; publica pertinens Princeps; vix a-
liquantum publico mœrori, aut Materno Maritaliq; do-
lori indulgens, sæva hæc vulnera fortiter pertulit; tan-
quam eminentissimo supra fortuita casusq; infestos a-
nimo, continuas in peius rerum Polonarum suarumq;
vertigines ita despiceret; ut beatâ semper serenitatē
renidens, nubes despectat Olympus. An non legem
Oppiam contra luxum in ornatu muliebri publicè pri-
vatimq; perniciosum, sine Catonis edicto, dandos esse
frenos impotenti mulierum naturæ, & indomito ani-
mali apud Gentem Romuleam contendenti, raro in
magna fortuna exemplo asseruit? dignum Cæsare Au-
gusto effatum: *vestitum mollem & delicatum, superbia vexib-
lum esse nidumq; luxuria*: in laudem suam traducens: cul-
tu modica, animo verecunda: nihil in sermone, in vul-
tu incessuq;, ad iactantiam & ostentationem fingens,

maiestate venerabilis: ut dictis factisq; suis vndiquaq;
veritas constaret, nihil procax aut famineum obtru-
deretur, maximè providens: voluptates etiam ex
permisso non alias admittens, nisi quæ ex virtute &
gloria procedunt. Itura in templum, vix mediocrem
simplicemq; ornatum gravitati studens, corpori adhi-
buit; ne vel immodico cultu Divinæ Maiestatis ocu-
los offenderet, vel curiosam aliorum pupillam in se
pelliceret; verum ut attentiore ad Divinam animo, Deo
devotissimè loqueretur, & inter Angelicos Choros,
tremendis Missæ Sacrificiis modestissimè interesset.
Hoc singularis temperantiæ encomium, quam longe
à moribus diversum famineis, quam alienum à cogi-
tatione carum, quæ mundo muliebri intentæ, inter
mundicias immundas & anxium ornandi corporis stu-
dium, optimam vitæ partem deperdunt; instigante
Comico, *dum molliuntur dum comuntur annus est*: magis
soliciti de capitis decore, quam mentis honestate.
Laudatos iustitiæ actus, mira animi in omnes savavita-
te, ne in rigorem desinerent, compescens; & lenimine
clementiæ in subditos temperans: pati quàm facere ~~in-~~
~~iniuriam~~, promptior: nobile vlciscendi genus in more
positum habuit PRINCEPS Nostra, iniurias oblivisci.
Cæterum ritus Sacrorum perperam & non pro dignitate
cultos, in omnibus severâ reprehensione exagitabat:
quippe ipsa sanctimoniæ & pietati, veris iustitiæ pigno-
ribus totum pectus mentemq; suam devoverat. Con-
secratæ pietatis exempla, Sacras Historias, vitasque
Sanctorum assiduo legere; magnis pretiis typo man-
dare, ex peregrino idiomate in vernaculum, alienam in-
dustriam convertere, magni meriti negotium arbitrata,
ut tantopere pijs intendens exercitiis; cælestibus ex-
cellsam mentem cogitationibus imbueret. Mortem,
cuius

culus metus, ventri gulæq; deditos exanimat; familiarem sibi fecerat; ita assiduam in eius meditatione; ut frequens in contemplatione Dominicæ Passionis: quasi hanc viam, ad vitam recogitans: securam cæli viveret, & moreretur victura. Ita verò, iam extrema vitæ stamina Parcæ legunt; quidni mea in latebras Divini amoris, cum Principe moritura oratio secedat? dicam clarius, quod scire decorum, & imitari gloriosum. quoties luctuoso occasu, Sol iustitiæ maculosum humani generis & exitiale nefas aboliturus, posuerat tenebras latibulum suum in sepulchro; ferales eidem inferias annuo dolore instaurante Sanctâ Ecclesiâ; toties in monumento, ne externam laudem quærere videretur, delituisse & à die mortis Domini, in oratione permansisse, usq; ad Resurrectionis gloriam, Princeps devotissima, præcipuum sibi dixerat Sacramentum. En sinceræ pietatis ingenium; en simplex columba in caverna maceræ, in foramine petræ, hoc unum suspirans & lugens; ut in novissima luce, nihil oculi sui desiderarent præter JESUM! Benè habet, iam Supremum diem desideriumq; humanum expletura, triste ministerium ultimò exposcit; sed nobis Rei; publicæ tam excellenti bono spoliatis, male est; nisi boni faventesq; Superi, vota quæ moriendo conceperat, in Serenissimo Nomine Tuo & Regia Progenie summæ spei coronamento ritè secundant: **POTENTISSIME & INVICTISSIME REX JOANNES III.** nimirum, ut Sol Regiæ eminentiæ, qui ad contritionem barbararum Gentium; & ad Poloni Christianiq; Nominis protectionem, supra **CLYPEUM** Tuum triumphalem prospero Numine resplenduit, perpetuum Sceptrorum fulgorè, in **SERENISSIMA** Domo Tua continuet; donec auferatur Luna, testis in Cælo fidelis

Tuorum in genus humanum immortalium merito-
rum. Quamvis ingentis animi, nec sævo inæstimabi-
lis damni vulnere, nimium concidentis, speciem vul-
tu præferas, tamen altum non premere mente Filia-
li dolorem non potes, ILLUSTRISSE & CELSI-
SSIME S. R. I. PRINCEPS CAROLE STANISLAE
RADZIWIŁ, Dux in Ołyka & Nieswiesz M. D.
Lithvaniæ PROCANCELLARIE, iam Te extremo dul-
cissimæ Parentis solatio patrociniq; deferente. Ergo
in levamentum mæroris, Maternum boni-consule
votum: vt evolans in cælum, è fatali rogo, magnæ ba-
iula animæ, Gentilitia Tua AQVILA, tristi perfuncta
obsequio, CLYPEO QVE donata Materno; ad Avi-
ta Paternaq; decora, & summæ gloriæ incrementa,
Tibi prævolet auspicatiùs, quàm olim Tonanti, con-
tra Titaniam pubem, ad triumphos. Vehementer
Te quoq; fato suo indoluisse, intelligens, ILLUSTRIS-
SIMA & CELSISSIMA PRINCEPS THEOPHILA
LUDOVICA Dux in Ostrog & Zaslav, COMES in
Wisnic & Iaroslav LUBOMIRSCIA, Curia Regni
MARESCHALLA: idcirco Maternam benedictionem
recentis solamen mali impertijt: vt tenerrimi cordolij
Tui amaritudinem, temperent flumina nectaris, quo
ad debitam generi Tuo Heroicisq; virtutibus immor-
talitatem, diu sospes & felix mortalibus, proficias. Ad-
extremum Illustrissima Lechæi Litaviq; Cæli Sidera,
Politici Senaculi animata columnina, totumq; splendo-
rem Equestrem, magnis animis, salutaribus consilijs,
& factis fortibus æternum valere comprecata: vix
spiritum cælestium contemplatorem calo reddidit,
vnde sortita erat; fit magnus ubiq; luctus, & in vnus
magni luminis occasu, plurima mortis imago obver-
sari visa: ex immenso nobilium lachrymarum ruit O-
ceano

ceano nox: publicam serenitatem tristi nubilo inumbrans: magnarum virtutum iactura, ingeminat luctum, tum singulorum, tum vniverforum. Quas mehercule luxisse fæminis, quæ ejusmodi morum caruere bonis, honestū est; ast Musis meminisse. Perennis verò earum memoriæ artifex, quis? vmbrearum alumnus, meus meiq; similium sermo, qui nuper in SERENISSIMO felicitatis & lætitiæ publicæ MERIDIE, lætioris obsequij vmbra cum fecisset, hodie acerba vice funeris, argumento funebri concolor, ante meridiem, velut *sera nuntius horæ nocturna vocat lumina vesper*: hoc est ex claro æternoq; nitentibus virtutum heroicarū fulgoribus, pullā togam atramq; vestem affingit. Illa tamen quandoquidem innocentium Musarum genuina textura est, duratura in ævum; Academicæ pietati seruiat iu tutelam: pijs optimæ Principis manibus, ad gloriam valeat immortalē.

D I X I.



C 2

INSCRI

INSCRIPTIO
SEPVLCHRALIS,
D. P R I N C I P I
CATHARINÆ RADIVILIAE,
SERENISSIMI AC POTENTISSIMI PRINCIPIS,
IOANNIS TERTII,
POLONIARVM REGIS,
MAGNI DUCIS LITHVANIAE, RUSSIAE,
PRUSSIAE, MASOVIAE, &c. &c.
UNICÆ SORORI,
VLADISLAI DOMINICI, DUCIS
IN OSTROG & ZASŁAW, PALATINI CRACOVIIEN: &c.

Primorum:

MICHAELIS CASIMIRI, S. R. I. PRINCIPIS,
IN NIESWIESZ & OŁYKA DUCIS RADIVILI,
MAGNI DUCATUS LITHVANIAE PROCANCELLARII,
ET EXERCITUM CAMPIDUCTORIS,

Secundorum Votorum

AUGUSTÆ CONSORTI.
CELSISSIMORUM DVCVM,
ALEXANDRI IN OSTROG & ZASŁAW,
NICOLAI & GEORGII IN NIESWIESZ & OŁYKA,
RADIVILIORUM,
HEROICI SANGVINIS GEMMARUM,
HEU VICES HUMANAS!

invidia fatorum, præcociter bono Orbis Poloni creptarum,

THEOPHILÆ LUDOVICÆ in Ostrog & Zasław
DEMETRII olim KORYBUTH,
DUCIS IN WISNIOWIEC & ZBARAZ,
CASTELLANI CRACOVIIENSIS, SUPREMI EXERCITUM REGNI
PRÆFECTI: Nunc

NUNC
JOSEPHI LUBOMIRSCII, S. R. I. PRINCIPIS,
CURIAE REGNI MARESCHALCI, &c.
FELICISSIMAE CONSORTIS:

^{AC}
CAROLI STANISLAI, S. R. I. PRINCIPIS,
IN NIESWIESZ & OLYKA DUCIS,

R A D I V I L I,

Magni Ducatus Lithvaniae Procancellarii,

AVGVSTAE PARENTI.

In sufferendis, invictâ animi fortitudine,
toties repetitis suorum funeribus

HEROIDI LACENAE.

In formandâ bono publico,

Magnarum Prolium suarum juventâ,

CORNELIAE Grachorum.

IN PIETATIS EXERCENDIS OFFICIIS
ERGA DEUM ET PROXIMUM,

PAVLAE ROMANAE.

Quam in lectione Sacrorum Librorum,
auscultatione Scripturarum,
& mysteriorum altaris enixâ,

In Peregrinatione ad Sacra Loca,

imprimis imitari voluit:

& post visitata SS. Apostolorum Limina,
non solum voto ad Sepulchrum Domini comitata est;
sed etiam reapse assecuta;

dum per triduum Mortis Domini

CUM MARIA AD OSTIUM MONUMENTI,

quotannis pervigil stetit:

Nec prius inde, quàm surgente Domino declinavit.

OB CONSECRATAM CHRISTO CRUCIFIXO,
IN TESTEM AMORIS INEXTINCTI,
LAMPADEM IN VAVELO IGNIS PERPETUI:

Ob Basilicam & Cœnobium, Regiâ munificentia
à fundamentis BIALÆ erectum:

ob Summam plusquàm Centum Millium
extremis tabulis,

egentium subsidio adscriptam,

DIVÆ, PIÆ, FELICI.

Insigni prudentiâ, justitiâ, Religionis zelo,
admirandâ morum comitate
posteris in exemplum DATÆ.

Omnibus in Europa Augustissimis Familijs,

IN SERENISSIMA NEPTE SUA,
TERESIA, POLONIARVM PRINCIPE,

SERENISSIMO ac POTENTISSIMO PRINCIPI,

MAXIMILIANO EMANVELI,

UTRIUSQUE BAVARIÆ DUCI,

S.R.I PRINCIPI & ELECTORI, &c. &c.

Fortunatissimè nuptâ,

A D A V C T Æ



IMMORTALI.

PANE.



PANEGYRIS PARENTALIS.

O D E.



Oror Tonantis! fulguris arbitra,
Et Mater, altæ Lucis amantior,
Regumq; Magnorum Ducumq;,
Grande jubar, Lechici doloris

Singultus, & vox tristior omnibus!
Si Te futuri gloria seculi,
Altisque circumstant tiaris
Exuvix; Superum trophæis

Adjunge famam prole superstitem,
REGISq; SCVTVM: sic iterum novo
Splendore fulgebis, perennem
Sideribus referesq; Lucem.

Side-

Sidera, quæ nuper festivis ignibus Orbem,
In Lechiæ sociata polo, tenuêre patentem;
Quæ medium fecêre diem, quæ vota Gradivi,
Et pacis messem moderârunt fœdere Regum:
Nunc umbris depicta, torû splendoribus altû
Distingvunt; interq; faces, obscura relucent;
Et tenebras, taciti pro maiestate nitoris,
In tristem sumplêre modum. Nam Regius ordo
Lugubrem indutus pompam, componit ituros,
Exemplo Regni Proceres, totumq; Senatum
Flectit in insvetos fasces, & fata doloris.
Non aliter, quàm si radiis solaribus obstat
Orbis conjuncti facies, lucisq; receptæ
In recto conspecta gradu velamina pandit.
Hoc ego phænomenon grato si videro vultu,
Aut umbram tantæ Lucis si scripsero metris;
Sol Patriæ & Rector, Regû Lux magna Ioannes!
Regali in CLYPEO firmâs splendoribus omnê
Europæ molem, simul & qui lumina condis;
Ac obitum, tristi germanæ Principis umbrâ,
Ipse, Parentali celebras in Syrmate; tantæ
Lucis Tu mihi vis, Tu Spiritus entheus esto.

Augustos meminisse dies, portentaq; rerum
Sculpere, si propriâ fas est aliquâdo sub umbrâ,
Aut populi natale solum, post sidera ferre

Si licuit Superis metam plaudentibus ultra;
Insolitæ semper sortes, & fata propinqua,
Prodigiis cæli miscent post gaudia luctum,
Alternis reditura choris. Si jura Deorum
Inspicias; Idam Thetidem, & jurgia Circi,
Et Cybelen, festumq; Iovis, ludosq; Gradivi,
Et rigidam Nioben & flentem Troiada finges;
Et Romæ ingentem rerum miraberis umbram.
An latuere dies aliqui, sub sole sereno
Indutinebular? aut si conjunctio supra
Sidereos remeare gradus cõsueverat unquam,
Vt non ferales faceret per sidera scenas,
Et nova formaret nobis spectacula rerum?
Nam cælum gignit tenebras, & lumina noctis;
Et dulcẽ Cereris messem exspoliantur acerbæ
Excubiæ Martis. Sic gaudia plena doloris,
Post hilares animos, obscurus temperat ordo.

Phœbus si ludit stellas splendore coruscas,
Et vocat in summi celeres fastigia cursûs;
Tunc, magis ut niteant, nodis circumvehit axẽ,
Et tenebris obscurat eosdem, imitatus Apellẽ.
Hic etenim pingens formam speciemq; Dianæ,
Ad nitidæ exemplar frontis, vultumq; decorũ,
Umbram, purpureis miscet labrisq; genisq;,
Ac albam faciem nigris splendoribus ornat.

E

Porro

Porro hodie similē scenā miramur in umbra;
Quam Lechiæ & Sponsæ pinxerūt Fata doloris:
Non equidē his tenebris Princeps ut pulchrior
In trabeas fascesq; Ducis Soliūq; paratum. (iret
Nam satis augustā meritū splendore Ioannis,
Et propriā insignem famā deprædicat Orbis:
Ast ut sub tantis astrorum cursibus, una
Præ reliquis niteat, sorte hac quā fata secundāt.
Scilicet augustis nuper connubia tædis
Magnorū fulsere Deūm; Lechicāq; per urbes
Fulgor ab attonitā plaudentis Sede Tonantis
Emicuit: festo & dum nos splendore beārat,
In tristem demum flexit fors altera vultum;
Et Sponsos, Regisq; thronū, Procereq; priores,
Atq; Ducū trabeas crebris circūdedit umbris.
Hanc tristē sed enim pōpā, Soror alta Tonātis,
Fecisti Princeps! Lechiæ, Lithavāq; per oras
Inclyta Dux, quatuor primis stipata Tiaris,
Vmbra fideribus præfers, mœstāq; cupressū,
Pandis in augustos Sponsos pro margine lucis:
Fatorum quando votis numerisq; reductum
Vitæ ferali claufisti funere cursum. (na lucis
Ille inquam splendor, quem Aquilæ post fulmi-
Inspexere, novā rerum morumq; retortā
Pupillā, & celebres imitatæ sorte curules;

Quem

Quem fasti semper Martis vidēre calentem;
Nunc tristem ludens scenam, multūq; probatis
Succubuit fatis, & amat pro lumine luctum.
Quid Princeps! alti demum si culmina cæli,
Ingredia es meritū famā; si forte petebant
Te supra sortem, magnis virtutibus astra;
Ecclipsare Tuas trabeas, quod debuit unquam
Sidus, & in tristes umbras deflectere lucem?
Promeritum nisi Virtutis culmenq; decusque,
Ac dignas animi dotes, splendore vetusto,
Ipsa velis Superis ipsis, æquare per omnes
Ritē hominū cursus! nisi magnis clarior astris,
Purpureis Regum cupias lucere theatri.
Sic etenim certis voluisti occumbere fatis;
Ut nostro voto, nunquam feralia mortis,
In luctum, aut tristis geminaret funera pompæ.
Te tamen ut Craciis cum Musis tristis Apollo,
Hic etiam Augustam, tristē veneratur ad urnam;
Sic & pro meritū famā, ceu Numen avitum,
Ingenio memori ad feros cupit ire Nepotes.
Huc spectatis enim, Divo cum Nomine Manes;
Quæ Iagellonios ornastis sanguine fasces,
Ac Orbem totum, cognato lumine Regum,
In CLYPEUM, Lechiæ Decus ac Ancile tulistis.
Huc inquam sacri Manes; ubi Lechica Pallas,

Nominibus Regum decretos pangit honores;
Vt post Vavelli Sacrorum munia, ritum
Parnassi memori capiat pignore famæ.
Principum enim melius circūstat funera nemo
Munere, quam Pallas tristis, seu justius unquam
Nemo dolet calamo, quā Lesbii urbes & Athenæ,
Te verò Princeps! Cracius Pareassus & Orbis,
Hoc posuere gradu & votis; ut publica honores
Quamvis fortunæ & vitæ fors ipsa negasset;
Te tamen officio per tot monumenta Vaveli
Portarent, & decretis celebrare Camænis
Vellent, & tumulum pulchris ornare trophæis.
In Te virtutes etenim sic æstimat orbis,
Tēporis ut tacitā nequeant latitare sub umbrâ.
Ingens nam Te multarum prudentia rerum
Maturâ sensûs praxi circumdedit, atque
Morem ultra sexûs, comitata est mascula virtus
Illâ inquā pompâ! ut qui Te conspexerit unquā,
Palladis exemplar dixisset ab ore Quirino.
Et pietas, commune bonum, virtutis in auge,
Sic Te præclaro complexa est munere; primos
Vt fasces inter Divûm, Tuus Vmbo niteret,
Atq; novis festo clareret nomine templis.
Hæc, Latio, Princeps, celebrē Te, reddidit orbi,
Tantæ & mirari fecit virtutis honorem;
In Patriâ quē dum fugeres; vehementius extra

Acciperes; & pro plaudentis carmine vulgi,
Romanas laudes Urbis pangentis haberes.
Sic pietas magnis comitata monilibus, ultra
In Te, monstravit morum, velut agmine læto,
Insignes animi dotes; quas purpura Regum
Ambiret pretio, primæ Trabeæq; Ducales;
Quas pulchro voti ceperunt quærere nexu:
Vt sic majorum fierent socialibus armis,
Evectæ in thalamū Tecū, fors magna trophæū
Hoc pretium virtutis erat, quod pignore vitæ
Dotibus in tantis famæ, Dux sanxit in Ostrog;
Vt CLYPEO natale suum decus, atq; tiaras,
Et seriem Regum, Grajosq; in sanguine fasces,
Obsequio thalami coniungeret; utq; perenni
Viveret in rerum factis famâq; IOANNIS.
Hinc Te, pars Lechiæ moderantē jura probavit,
Quæ nunc tota dolet; magni sed pignus amoris
In geminâ thalami Te PRINCEPS prole beavit.
Heres primus erat, terris edicta daturus,
Et Lechiæ laturus opem, regnare probatus;
Quem fasces petiêre vltra; sed vocibus isthinc
Gaudia dū cecinêre moras: tūc funus acerbum
Infauftumq; suis trusere penatibus vmbra.
Altera DUX, magnæ Matris compendia famæ
Felix possedit, clavas, trabeasq; paternas
In Sidus KORIBUTH cōscripsit voto Hymenæi

Et Quæ, tot Regū tetigit monumenta priorum;
Sanguinis Ipsa sui facta est speciosa coronis.
Auspicijs iterum stabat Regalibus alter
Connubij nexus, quē Aquilæ cecinere per orbē
Augustis Atavūm Lituus Magni RADIVILI:
Hoc pariter thalamo PRINCEPS,

tria Lumina Fratrum,

Magnanimos enixa Duces, oracula Regis
In Lithavūm folio ad legē revocare potentes.
Sed cū Tu PRINCEPS, totū cōpleveris orbē
Virtutum famā, Superis mirantibus ipsis;
Quō magis vltorius thalami decorare vacātē
Astrorum sedem geminis Ducibus voluisti.
Pulcher honos etenim, fatorum sorte bearī
Et terræ simul ac astris duo lumina linqui.
Quid sævā Lachesim, quid tristē dicimꝰ umbrā
Mortis? vbi legem fatorum, jure perenni,
Credimus eventu certam! nisi forte probatos
Principibus cessisse dies doleamus acerbo
Vulnere, speratosq; diu incusamus honores.
Plebeium est rerum sortes & fata dolere:
Mirari mortem, consuetum & nobile vulgo.
Magnorum verō laus est in margine vitæ;
Splendida celatis conscribere gestatrophæis.
Fortē vt posteritas similes imitetur honores;
Aut ad magnarum virtutum exempla feratur.

Si

Si mæstā querimur nunc tanti Nominis vmbra;
Si tristes vitæ spectamus ab ordine fasces
Principis, aut tumulo adstamus si fortè dolore:
Nonne novis Procerū famulātia cernimꝰ arma
Prodigijs stare; ac veterem, graviore paratu
Ad legem gentis, morem rediisse fatemur!
Nōne Ducis, magnæ virtutis munera, pulchro
Ornatu morum ferali in marmore fulgent?
Vt similem vitæ cursum mirantibus, inde
Mens surgat, Patriæ tantas imitata curules.

Nam si iustitiam narrem, si publica vota,
Aut morum decus, aut tacitæ pietatis in omnes
Munera sparsa probos homines; si tēpora vitæ
Enumerem; nonne hæc irritamenta bonorū
Accendunt operum, præclaris nomina gestis.
Tecum virtutes sumpsere exordia, Princeps;
Tecū nobilius splendebat purpura Regis;
Vt Quam, tot trabeis iunxit cognata potestas;
Nunc etiam vitæ pulchris splendoribus, inter
Tot Procerū tenebras, clarâ veneremur in vrna
Tu nobis Princeps! visi sub imagine fati,
Vitæ felicitatem sortem virtute probasti;
Nam profers nobis alternæ Nomina lucis,
Et geminas solito Regum pro more dolorem.
Ergo si Lechicum studium cum Pallade tristi
Augustos Manes vestros, Trabeasq; ducales

Circumstāt, celebratq; suo si munere ritûs:
Vos etiam condant inter tot sidera Regum
Eloquio memori, & fastis decorētq; sepulchrū.
Vt cū cesseritis, fatis sic stantibus, Vrbi
Huic, in prodigium luctûs; sic luce perenni
Virtutū ac famæ, totum coretis & orbem.

Iam verò Regum fortissime, maxima gentis
Gloria Lechiadū, Thracij domitorq; Tyranni,
Qui tenebras Lunæ, domuisti luce triumphi,
Ac orbem terræ miro splendore beāsti,
In tot prodigijs belli; Qui nuper sidera mundi
In sphæram Lechiæ sociali sorte vocāsti;
Ast hodie mandas nobis in funere luctum.
Si sacros Cineres sublata lucis in vmbra
Reliquias censes; vitæ solatia fume
Hoc memori eloquio: quo Te venerata Parētē
Est augusta Soror; magnū gestisq; Maritū,
Æternum sibi Roma decus pro munere dixit.
Te, REX Magne, quidē cupiūt laudare triūphis
Ipsi etiam Superi; monstrant immensaq; vati,
Signa per insuetos cursus; sed lætius ô REX
Tempuserit, cū laurigero, Tua fortior œstro
Facta canet, referetq; simul tot Scuta trophæū.
Nunc autem cū Te circūstant fata Sororis,
Et lu-

Et luctus gentis Craciæ; sis splendor, & umbrā
Majestate, Ducis fulgenti Luce corona.

Tu pariter Lechiæ MATER, REGINA, Salusq;
Fortunæ nostræ, magni Sors maxima REGIS,
Augustos recrea Manes splendore venusto,
Ut, quæ virtutum mirata es munera quondam
Principis, Exsequias Regali luce serenes.

REGIA, Vos tandē Soboles Jovis alma Poloni,
Ad Fasces Lechiæ, meritis famâq; vocande
PRINCEPS JACOBE, Europæ munimina Regum
In CLYPEO celata ferens; Teq; unica Martis
Gloria, ALEXANDER, Te CŌSTANTINE Poloni
Orbis Deliciæ; post funera non morituri
Unquā respectant Cineres; ut Lumine Vestro
Virtutum vivū Speculum, coretis in ævum.

TE quoq; Lechiadum Phoenix, Bavaræ
atq; Polonæ

Præsidium Gentis, pacis fors alta futuræ;
Luctum Parnassi modera solamine festi,
Orbis quod totus specioso munere lucis
Ingeminat, votisq; cupit celebrare secundis.
Sic vivent Manes, clarâq; superstite Prole
Augustam referent etiam post funera Lucem.

PIETAS SUPREMI OBSEQVII.



Ffundo publicis lacrymis, Suprema doloris
Munera mēi proprii: vivus & immorior
Augustis, quæ Tu PRINCEPS erepta reliquisti.
Exuvijs; solâ hâc parte beatus ego.

Quòd quondam geminis Lithavi Lechiciq; Trionis
Summis Sideribus, Te genitrice satis,
Primos fruge Cleantheâ imbui & explicui ortus,
Poloni in facie, iudicioq; Jovis.

Occidit heu primum! quo non fulgentius ullum,
Moribus, ingenio, scēla videre queant.

Alterius faustos progressus, Lucis in auge,
Quominus inspiceres; Tu quoq; Magna Parens
Occidis! infandum mœsto renovaſq; dolorem,
Qui gladio pectus lancinat ancipiti.

Quod superest igitur mihi, quodvè probata requirit
Supremum pietas, Officij; vigor;

TE Patrio elatam CLYPEO, OSTROGLâq; sub umbris
LUNA splendentem, ceu sine nocte diem.

Feraliq; rogo Alitibus RADIVILLANIS

Sublatam, summo compositamq; Polo
Ponè sequor, Lauroq; nitenti, fronte cupressos
Præfero squalientes, ad Tua Busta dolens,

Osculor & Cineres, superest mihi de quibus vnus
Phanix, exhibiti pars prior officij.

Qui verò augustis Virtutibus ivit in astra
Spiritus, æternâ vt luce fruatur ovans

Imprecor! haud dedignatus pietatis, ab alto

Hoc quantumcunq; est aspicere obsequium.

M. SEBASTIANUS PISKORSKI, V. J. Doctor & Professor, CANONICUS
Cracoviē: Almaz Vniuersitatis Studij Generalis Crac: Procancellarius & Rector.




s
rior
uisti-

ns

it

mbris

TH: UNIV.



ANONICUS
ECTOR.

Biblioteka Jagiellońska



stdr0016801

